



Baibél Fuain Dólla
Házir óiye

Zeñtté Alla ye Hárr
Sis Banaiyé



Lekoya: Edward Hughes

Nokcá tulóiya: Byron Unger; Lazarus
Alastair Paterson

Borabor goróya: Bob Davies; Tammy S.

Torjuma goroya: John Anwar

Neelaiyé de óilde: Bible for Children
www.M1914.org

©2022 Bible for Children, Inc.

Laisen: Tuáñttú e kaháni yían neelai bólla yátou copí gorí bólla
hók asé, zetún fóijjonto tuñí yían óre nóo beso.



Añára re hone banaiyé? Allar Kalam yáni Baibéle
insán óre hondilla gorí banaiyé de formayé. Yar
boóut age, Alla ye foóila manúic banái yóre tar nam
Adom hói raikké. Alla ye Adom oré mečí loi
banaiyé. Alla ye zettót tar nak báí fúu diyé,
te uggwá ziañta manúic ói
aiccé. Baade Alla ye
taré Edén bagan ot


raikké.



Alla ye Adom oré banaibar age, Íba ye taajuppa sis
loi bóijja cúndoijsa duniyai re banaiyé. Ekkán baade
ekkáń Alla ye faári zaga, zoóńl, sírifare de fúl,
gasgusála, fóir óla faik, fuk, fañír januwar, kul or
januwar beggún banaiyé. Alla ye beggún banaiyé de
hétolla beggún asé.




Ebbere foóila cúrut,
Alla ye honó kessú no
banaibár age, Alla
baade ar honó kessú nu
accíl. Manúic ó nu accíl,
zaga yó nu accíl, sis ó
nu accíl. Foór nu
accíl ar aǹdár nu
accíl. Usol niso,
aijjá hailla kessú nu
accíl. Héñtte siríf
Alla accíl de, zibá ttú
honó cúru náí. Alla ye
toiyarir cúru goijjé.




Foóilar cúrut, Alla ye asman
edde zobin banaiyé.




Héñtte duniyai súrot sará
edde háli accíl. Duniyai
andár lói guijja accíl.
Ar Allar ruú fanír
uore sola fíra
goittóu.
Baade
Alla ye
hoódde,
"Foór
ók".



Toi héçe foór óiye. Alla ye foór óre din edde
añdár óre ráit hoói dhaikké. He din házinna
edde beéinna accíl foóilar cúrrur din.



Dusára din ot din, Alla ye asman or nisor faní,
doriya, hál ekkán baade ekkán toiyair goijjé.
Tisará din ot din, Alla ye hoódde, "Duniyait
fúana zaga dahá zouk." Toi héndilla óiye.



Alla ye k r, f l, zoo l edde g s  kkol
dah  zai boll  h kum di l. Ar h  din
h zinna edde be inna acc l
tisar  din.



Baade Alla ye beil, san, edde
kiyé goni no fare de héndilla
tara ókkol banaiyé. Hé din
házinna edde beéinna accíl
sair lombór or din.




Faños lombór or
din, Alla ye dhoónr
cónço mas, faik ókkol
banaiyé. Alla ye hárr
dhoilla mas banaiyé,
zobin or fani bóri
bollá. Ar hárr dhoilla
faik banaiyé, tará kul
or uore edde asman or
uore kúci gorí bólla.
Hé din házinna edde
beéinna accíl faños
lombór or din.




Yárbaade, Alla ye abár hoódde, "Zobin ot ziañta jandár ókkol óuk." Baade hárr dhoilla januwar edde fuk ókkol ói aiccé. Héçe dhoóñr áñti, bizi, bañdor, kuñúir, kesswa, surhaça, hossor, bilai edde hárr dhoilla januwar ókkol Alla ye hé din banaiyé.

Hé din házinna edde beéinna accíl só lombór or din.



Alla ye só din ot oinno kessú goijjé - kessú hoilé
kessú becí háas. Manúic ólla hárr kessú toiyair
óiyé. Tar hédmot ólla zobin ot januwar ar hána
accíl. Alla ye hoódde, "Añára
Añárar súrot lói manúic
banai, te duniyait asé
de hárr sis or uore
rajtri goróuk."
Toi Alla ye Nizor
súrot loi manúic
banaiyé.




Alla ye Adom oré
hoódde, "Tóttu
ziín háitou moné
hoó híin bagan
ottú hác. Montor
gom edde hóraf
or baabute buddí
dede gas or gula
na hác. Zodi
háile hámaha tui
mori zabigói."



Baade Alla ye hoódde, "Manúic gaga ón gom noó. Añí tallá uggwá modot goróya banaiyúm." Alla ye hárr faik edde januwar ókkol Adom or hañsé ainné, baade Adome tará beggún or nam diyé. Adome yían gorát becí sálak óitou fare. Lekin faik edde januwar or bútoire Adom ollá modot goróya nu accíl.



Alla ye Adom oré mur gúm ot félaiye. Baade tar céththana ttú ekkán áñddi loi uggwá maiya fua banaiyé. Alla ye banaiyé de maiyafua Adom oré modot gorí bólla borabor óiye.



Alla ye hárr kessú só din or bútoře banaiyé.
Toi Alla ye háñt lombór or din oré mubarek
banáil edde ziraibár din banaáil. Edén
bagan ot Adom edde Háwa kúci gorí Alla
re maintou. Alla tarár Malik accíl,
Modot Goróya edde Dustó accíl.



Zeñtté Alla ye Hárr Sis Banaiyé

Allar Kalam ottú ekkán kaháni, Baibél,

loot fade

Foidayec Rukú 1-2

"Tuáñr Kalam gólaye foór diye."

Zobur Córif 119:130



Fúraiye



E Pak Kitab or kaháni ye añára re
añárár taijjuppa Allar baabute cíkaibou, zibá ye
añára re banaiyé edde zibá ye saádde, tuñí Íba re sinó.

Alla ye zane añára hóraf ham goijjí, ziín óre Íba ye guná hoó.
Gunár cánza óilde moot, montor Alla ye tuáñre becí muhábbot
goré de hétolla, Íba ye Íbar siríf ek Fuá Isá re difeçáiyé, taáke
kúruc ot foran de, edde tuáñr zoriya cánza fa. Baade Isá zinda
óiyore Íbar ghór ziyán Jonnot híyan ot giyégoi. Zodi tuñí Isár
uore iman aní, tuáñr gunár maf maiggó de óile, tooile Íba ye
tuáñre maf gorí dibou. Íba éhon tuáñr héçe aibóu edde f
úañti tákibou, ar tuñí Íbar fúañti zindigibór tákiba.

Zodi tuñí yían sóiyi de biccác goró, tooile Alla re yían hoó:
Óu adoijja Isá, añí biccác gorí de, Tuñí insán boni duniyait aái
añár guná llá foran diyó, edde Tuñí abár zinda óiyo. Meérbani
gorí añár zindigit aiyó edde añar guná re maf goró, taáke ehón
añí noiya zindigi fai, ar ek din jonnot ot zai Tuáñr fúañti
há mica táki fari. Añáre modot goró, taáke añí tuáñre
mani edde Tuáñr fua boni táki fari. Amin

Fottí din Baibél foró edde Alla loi hotá hoó. Yuhúnna 3:16

